

ԿԱՐԳ
«ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ՀԱՆՐԱԿԱՅԱՐԱՆՈՒՄ ՈՒՍԱՆՈՂՆԵՐԻ ԲՆԱԿՈՒԹՅԱՆ

ԼԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է «Արցախի պետական համալսարան» պետական ոչ առևտրային կազմակերպության հանրակացարանում (այսուհետ՝ հանրակացարան) ուսանողների (բակալավրիատի, մագիստրատուրայի ուսանողներ և ասպիրանտներ) տեղաբաշխման և բնակվելու կանոնները:

2. Սույն կարգը կարող է լրացվել կամ փոփոխվել «Արցախի պետական համալսարան» պետական ոչ առևտրային կազմակերպության (այսուհետև՝ ԱրՊՀ) գիտական խորհրդի որոշմամբ:

II. ՀԱՆՐԱԿԱՅԱՐԱՆԻ ՏԵՂԵՐԻ (ՍԵՆՅԱԿՆԵՐԻ) ԲԱԾԽՄԱՆ ԿԱՐԳԸ

3. Հանրակացարանում կարող են բնակվել այն ուսանողները, ովքեր ունեն հանրակացարանի կարիք և փաստացի չեն բնակվում Ստեփանակերտ քաղաքում:

4. Հանրակացարանում առաջնահերթ տեղ է հատկացվում՝

- 1) զոհված (մահացած), անհայտ կորած զինծառայողների զավակներին,
- 2) երկրորդ և 3-րդ աստիճանի ծնողազուրկներին,
- 3) հաշմանդամություն ունեցողներին,
- 4) 1-ին կամ 2-րդ կարգի հաշմանդամ ծնողներ (խնամակալներ) ունեցողներին,
- 5) ամուսնալուծված ծնողներ ունեցողներին,
- 6) բազմազավակ (3 և ավելի անչափահաս կամ սովորող երեխաներ ունեցող) ընտանիքների զավակներին,

7) սոցիալապես անապահով ընտանիքների զավակներին,

8) ԼՂՀ հեռավոր բնակավայրերում, ՀՀ-ում, այլ երկրներում փաստացի բնակվողներին,

9) այլ կարգավիճակ ունեցողներին՝ ռեկտորի որոշմամբ:

5. Հաշվի առնելով հանրակացարանի հնարավորությունները և ուսանողների ցանկությունը՝ միևնույն սենյակում բնակվել կարող են նրանք, ովքեր

- 1) հարազատ քույրեր (եղբայրներ) են,
- 2) երկրորդ սերնդի քույրեր (եղբայրներ) են,
- 3) նախկինում բնակվել են հանրակացարանում և աչքի են ընկել ներքին կարգուկանոնի հստակ պահպանմամբ, պարտականությունների բարեխիղճ կատարմամբ,
- 4) սովորում են բարձր առաջադիմությամբ (ունեն 17-ից բարձր ՄՈԳ),
- 5) սովորում են միևնույն կուրսում (ուսանողական խմբում):

6. Հանրակացարանի տեղերի (սենյակների) բաշխումն իրականացվում է մինչև ուսումնական տարվա սկիզբը՝ օգոստոս ամսում:

7. Ազատ տեղերի առկայության դեպքում հանրակացարանում կարող են բնակվել նաև ԱրՊՀ հեռակա ուսուցման բաժնում սովորող ուսանողները, այլ ուսումնական հաստատությունների սովորողները՝ տվյալ հաստատության ղեկավարի գրավոր միջնորդությամբ, ինչպես նաև այլ անձինք (այլ երկրներից և բուհերից հրավիրված ուսանողներ, ընդունելության քննություն հանձնող դիմորդներ, նրանց ուղեկցող անձինք): Այլ ուսումնական հաստատություններին և այլ անձանց հատկացվող տեղերի չափաքանակները որոշում է ռեկտորը:

8. Հանրակացարանում բնակվելու ցանկություն ունեցող ուսանողը օգոստոսի 1-ից մինչև օգոստոսի 25-ը ընկած ժամանակահատվածում անձամբ ներկայանում է ուսանողների հետ տարվող աշխատանքների, հանրային կապերի և լրատվության բաժնի, ստորագրությամբ ծանոթանում է սույն կարգի պահանջներին, լրացնում սահմանված ձևի դիմում՝ կցելով հետևյալ փաստաթղթերը. (փոփ. 28.08.2014թ. 41-Լ)

1) տեղեկանք փաստացի բնակության վայրից,

2) տեղեկանք ընտանիքի կազմի վերաբերյալ,

3) միջնորդագիր տվյալ ուսումնական հաստատության ղեկավարից (այլ ուսումնական հաստատության սովորողը),

4) 2-րդ բաժնի 4-րդ և 5-րդ կետերի պահանջները հավաստող փաստաթղթեր:

9. Սահմանված ժամկետներում դիմում չներկայացրած ուսանողը կորցնում է 2-րդ բաժնի 4-րդ և 5-րդ կետերով նախատեսված առաջնահերթություններից օգտվելու իրավունքը:

10. ԱրՊՀ ուսանողների հետ տարվող աշխատանքների, հանրային կապերի և լրատվության բաժնում իրականացվում է մուտքագրված դիմումների հաշվառում, կազմվում ցուցակներ՝ 2-րդ բաժնի 4-րդ և 5-րդ կետերում նշված առաջնահերթությունների համաձայն: Դիմումները և ցուցակները օգոստոսի 25-ից

հետո՝ երկու աշխատանքային օրվա ընթացքում, ներկայացվում են ուսանողների, շրջանավարտների և հասարակայնության հետ տարվող աշխատանքների գծով պրոռեկտորի համաձայնեցմանը, այնուհետև՝ ռեկտորի հաստատմանը: (փոփ. 28.08.2014թ. 41-Լ)

11. Ռեկտորի կողմից դիմումի մակագրումից հետո ուսանողը համալսարանի հաշվարկային հաշվին է փոխանցում սահմանված չափի գումարը և մինչև ուսումնական տարվա սկիզբը վճարման անդորրագիրը ներկայացնում հանրակացարանի պարետին՝ նրա հետ կնքելով գույքի ժամանակավոր օգտագործման համար նյութական պատասխանատվության մասին պայմանագիր: Առկա փաստաթղթերի հիման վրա հանրակացարանի պարետը լրացնում է մուտքի օրդեր՝ նշելով հասկացվող սենյակը: Այն վարչական աշխատանքների գծով պրոռեկտորին ներկայացնելուց և նրա կողմից հաստատվելուց՝ կլոր կնիքով կնքելուց և ստորագրելուց հետո տրամադրվում է ուսանողին:

Ուսանողը հանրակացարանի տնղի համար սահմանված տարեկան վճարի երկրորդ կեսը կարող է վճարել փետրվարի 10-ից ոչ ուշ (փոփ. 28.08.2014թ. 41-Լ, լրաց. 30.11.2016թ. N33-Լ)

12. Ռեկտորի կողմից հաստատված ցուցակները և դիմումները պահվում են վարչական աշխատանքների գծով պրոռեկտորի մոտ:

13. Հանրակացարանում տղաներն ու աղջիկները բնակեցվում են տարբեր սենյակներում և մասնաբաժիններում: Տարբեր սեռի ուսանողներին նույն սենյակում բնակեցնելն արգելվում է:

14. Հանրակացարանի տնղի վարձավճարի չափը սահմանում է ԱրՊՀ գիտլսորհուրդը՝ պայմանավորված բնակության պայմանների էական փոփոխություններով: Այլ ուսումնական հաստատությունների սովորողների և հանրակացարանում ժամանակավոր բնակվող անձանց համար կարող են սահմանվել վճարման լրացուցիչ պայմաններ՝ ռեկտորի որոշմամբ: Մուտքի վճարը 1 անձի համար չի կարող պակաս լինել մեկ ամսվա վարձավճարի չափից: (լր. 28.08.2014թ. 41-Լ)(խմբ. 24.08.2015թ. 21-Լ)

15. Եթե ուսանողը սահմանված կարգով տնղ է գրադնցել, սակայն փաստացի չի բնակվել հանրակացարանում կամ բնակվել է տասն ամսից քիչ, ապա կարող է գրավոր դիմում ներկայացնել ռեկտորին՝ նշելով պատճառները: Առանձին դեպքերում (հիմնավոր պատճառների առկայության դեպքում) մուծված վարձավճարը ռեկտորի հրամանով կարող է հետ վերադարձվել՝ դիմումը ներկայացրած ամսվան հաջորդող ամսից վերահաշվարկ կատարելով:

III. ՀԱՆՐԱԿԱՑԱՐԱՆՈՒՄ ԲՆԱԿՎԵԼՈՒ ԿԱՆՈՆՆԵՐԸ

16. Հանրակացարանում բնակվող ուսանողներն իրավունք ունեն՝

- 1) օգտագործման նպատակով հանրակացարանի պարետից ստանալու բնակվելու համար անհրաժեշտ պարագաներ և գույք,
- 2) սահմանված կարգով օգտվելու հանրակացարանի ընձեռած հնարավորություններից, այդ թվում՝ ընթերցասրահից, հանգստի սենյակից, խոհանոցից,
- 3) պահանջելու հանրակացարանի սպասարկող անձնակազմից բնակության և հանգստի բնականոն պայմանների, անհրաժեշտ կարգ ու կանոնի ապահովումը,
- 4) տնղեկանալու իրենց մասով վճարման ենթակա էլեկտրաէներգիայի վարձավճարի և այլ դրամական մուծումների գոյացման պայմաններին,
- 5) սահմանված կարգով իրենց սենյակներում ընդունելու ծնողներին, հարազատներին, ծանոթներին,
- 6) տևական ժամանակահատվածով հանրակացարանում չբնակվելու և սենյակի բանալիները սահմանված կարգով պարետին հանձնելու դեպքում նրանից պահանջելու անձնական իրերի անձեռնմխելիություն,
- 7) իրենց խնդիրների ներկայացման և իրավունքների պաշտպանության նպատակով ընտրելու ներկայացուցիչ ուսանողական վարչությունում՝ խորհրդակցական ձայնի իրավունքով:

17. Հանրակացարանում բնակվող ուսանողները պարտավոր են ենթարկվել ներքին կարգուկանոնին, այդ թվում՝

- 1) պահպանել քաղաքացիական համակեցության կանոնները,
- 2) հետևել հանրակացարանի ներքին կարգացուցակին (ռեժիմ),
- 3) արգելք չհանդիսանալ մյուս բնակիչների սովորելուն և բնակվելուն, „
- 4) խնամքով պահպանել գույքը և մաքրությունը, թե՛ սենյակում, թե՛ ընդհանուր օգտագործման վայրերում (միջանցքներում, գուգարաններում, հանրակացարանի շրջապատում),
- 5) մինչև յուրաքանչյուր ամսվա 15-ը վճարել նախորդ ամսվա էլեկտրաէներգիայի վարձի իր չափաբաժինը, որը որոշվում է հաշվիչի տվյալներին համապատասխան առաջացած գումարի և սենյակում բնակվող ուսանողների թվի հարաբերությամբ,
- 6) հետևել սանիտարական և հակահիդրենային անվտանգության կանոններին,
- 7) կատարել հանրակացարանի պարետի բոլոր օրինական պահանջները,
- 8) ժամը 22:00-ից հետո պահպանել հանրակացարանի անդորրը:

(լրաց. 24.08.2015թ. 21-Լ)

18. Հանրակացարանում բնակվող ուսանողներին արգելվում է.

- 1) աղմկել, աղտոտել շրջապատը կամ կատարել գործողություններ, որոնք կարող են խոչընդոտել հանրակացարանի բնականոն գործունեությունը,

2) առանց հատուկ թույլտվության կամ ծայրահեղ անհրաժեշտության ներկայանալ կամ դուրս գալ հանրակացարանից ժամը 24:00-ից մինչև հաջորդ օրվա 6:00:

(փոփ. 24.08.2015թ. 21-Լ)

19. Սույն պահանջներին չհետևելը կարող է դիտվել որպես վարչական և քաղաքացիական իրավունքի խախտում՝ հանգեցնելով պատասխանատվության: Պարենտը և ուսանողական վարչության հանրակացարանում բնակվող ուսանողների ներկայացուցիչը կազմում և ուսանողների հետ տարվող աշխատանքների, հանրային կապերի և լրատվության բաժին են ներկայացնում տարվա ընթացքում հանրակացարանի ներքին կարգուկանոնի պարբերական խախտումներ կատարած ուսանողների ցուցակը: (լր. 28.08.2014թ. 41-Լ)

20. Հանրակացարանի պարենտի ցուցումով բոլոր մասնաբաժիններում ընտրվում է ավագ, որը պարտավոր է հետևել տվյալ մասնաբաժնի ներքին կարգուկանոնին, կարգավորել բնակիչների համակեցության հետ կապված հարցերը:

21. Հանրակացարանին նյութական վնաս հասցնելու դեպքում ուսանողը սահմանված կարգով ենթարկվում է նյութական պատասխանատվության՝ հասցված վնասը փոխհատուցելով համարժեք դրամով կամ իրով:

22. Ուսումնական տարվա վերջին հանրակացարանում բնակվող բոլոր ուսանողները, ինչպես նաև ուսումնառությունն ավարտած կամ ուսումնական հաստատությունից հեռացված ուսանողները պարտավոր են երեք օրվա ընթացքում կատարել բոլոր սահմանված վճարումները, ըստ ամրագրման ցուցակի և պարենտի կողմից սահմանված կարգի հանձնել հատկացված գույքը և ազատել հանրակացարանային տեղը (սենյակը): Անհրաժեշտության դեպքում (փորձուսուցման կազմակերպման հետ կապված և այլ դեպքերում) հանրակացարանային տեղը (սենյակը) ազատելու ժամկետը ԱրՊՀ ռեկտորի հրամանով կարող է վերանայվել: (լր. 28.08.2014թ. 41-Լ)

23. Հանրակացարանում բնակվող ուսանողի միջնորդությամբ, անձնական պատասխանատվությամբ, անձը հաստատող փաստաթղթի ներկայացմամբ և պարենտի թույլտվությամբ ժամը 9⁰⁰-ից մինչև 22⁰⁰-ն ուսանողին կարող են այցելել ծնողները, հարազատները, ծանոթները: Վերջիններիս կողմից հանրակացարանի ներքին կարգուկանոնի կոպիտ խախտման դեպքում միջնորդություն ներկայացրած ուսանողը կարող է ենթարկվել պատասխանատվության՝ ընդհուպ մինչև հանրակացարանից հեռացում: (փոփ. 24.08.2015թ. 21-Լ)

24. Կողմնակի անձանց գիշերելը հանրակացարանում խստիվ արգելվում է:

ԱրՊՀ ընկտոր _____ ին

ԱրՊՀ _____ ֆակուլտետի

_____ մասնագիտության

(այլ ուսումնական հաստատության)

առկա (հեռակ) բաժնի _____ կուրսի ուսանող (ուհի)

իզ

Ա. Ա. Հ.

Հասցե _____

Հեռախոսահամար (ներ) _____

ԴԻՄՈՒՄ

Հայտնում եմ Ձեզ, որ _____

(նշել հանրակացարանում բնակվելու համար հիմք հանդիսացող առանձնահատկությունները)

Խնդրում եմ ինձ տեղ հատկացնել ուսանողական հանրակացարանում:

Ցանկություն ունեմ նույն սենյակում բնակվելու _____

(նշել լրիվ անուն, ազգանունը, հարազատական կամ այլ կապը)

Ծանոթացել եմ ուսանողական հանրակացարանում բնակվելու պայմաններին և սահմանված կարգին, բնակվողի պարտականություններին և անձնական ստորագրությամբ պարտավորվում եմ կատարել դրանք ամբողջ ծավալով:

Դիմումին կցված են փաստաթղթեր՝ _____ էջ:

դիմող՝ _____

անձնական ստորագրություն, ընթերցելի

ամիս, ամսաթիվ «_____» _____ 20 թ